

杜

臆

社臆禮

丙戌秋日
過廿有三日
偶翁覆閱四日而畢九月朔日識
臘月拜閱



杜臆卷之五

越王樓歌

作綿州刺史

先言越王作後言起高樓亦倒插法他人不敢
也曰炤城郭則此樓又為磊落之助而樓下長
江山頭落日山高水清奇觀勝賞其廢落可想然君王身
造此樓不能長享已成舊跡而今人賞之古詩所謂萬歲
更相送者信矣千秋萬歲其情盡然不可轉見
乎補越王作謂作綿州刺史之初箋誤

海棕行

棕與樓同即樓欄前已有枯樓詩但海棕以高

大異常棕耳十抱十把也。高入雲天十抱棕之
出羣如此。因衆木紛々。故不但人不知。即海棕
亦不自知。除非移栽北辰衆星所共之地。必有
天上人識之。而竟不可得。時有胡僧能識之耳。
安可望之。世人乎。烏知身出羣奇。移栽北辰。
奇此從天上種白榆。脫來公抱經濟。而不得試。
自負自嘆。非詠海棕也。胡僧借用昆明劫灰事。
○ 姜楚公畫角鷹歌

殺氣到幽朔。乃安史反地。時尚未平。故云貪愁
二字合用。詔貪其入臂。又愁其掣臂而飛也。畫

師不是無心學但不能學耳於容佳畫止於奪
真而窮上極變如高堂見生鶻發與動秋骨奇
矣却疑真骨遂虛傳愈出愈奇

光祿坂行

膜色無人獨歸客讀之凜然鍾云妙在膜色無
人下徑接獨歸客老身古青風冷二妙在老身下徑接寺風冷二與甚勾甚
筆力所至只憂賊不暇憂墜巧于形容

悲秋

羣盜指成都之亂後有草堂詩可証註誤五六

寫避盜真景傷甚

改補

客夜

何曾不肯四字用得精神五六正未歸之情

客亭

談云日高蚤故曙色着猶字謂蚤之早也三四
寫曙景極肖殘年尚有許多事在豈肯沒沒
世耶言者自知

戲題寄上漢中王三首

其一起二句王子興客星分說三四合說雙白
謂兩人俱白五六謂王末二句自謂不能隨而
自醉所以為戲

其二杖策公自謂王門異昔遊以其病而不留
醉也則平昔之往必留酒可知嗟不起自嘆其
病不能起也後四句又戲之然祝其病愈在內
其三病不能出而曰彌尊重亦戲

贈韋贊善別

此詩許多婉轉無限感傷一字一淚鍾云八句
亦完亦渾較帶中滿天地作似有差

九日登梓州城

梓州今之潼川三四頂白髮未追歡之筋力既
異於前矣九日登高則望遠之歲時同也弟妹

朝廷正望遠之感而弟妹之流離朝廷之隔絕
實以兵戈未定而身羈關塞故此日興無窮之
思也

九日奉寄嚴大夫

通篇不說思嚴大夫只寫大夫客行之景與思
我之情簇鞍馬妙蓋念我則迴首迴首則駐馬
而從人之馬亦駐簇于一處也

已嶺谷杜二見憶

中四句亦寫杜之行景江頭想公之所寓而籬
外想公之所居念公欲還成都而不得也赤葉

橙黃花菊一聯句法妙豈馬望正蒼迴首之句
讀此二詩見二公交情之厚形骸不隔故知欲
殺之誣也

題玄武禪師屋壁

玄武山名在令之中江縣三四沿洲之景逼真
後四句嘗近不驚似得真隨俱以虛字寫景

翫月呈漢中王

公在旅中故云浮客露清月滿夜景殊勝而浮
客轉為危坐者為無侶也今擬發歸舟亦應獨
行王豈能同之哉樂府有關山月傷別離也王

既被謫已亦避亂俱非故鄉而關山俱在長安
月同一照而烏鵲南飛無枝可依所以多驚以
自況也今欲求術於王而王之術亦窮月生景
矣亦謠詞也一娼或誤作一點東坡好竒偶用
而人妄信之伯敬妄評謂於同字有情可笑王
以病斷酒月暈之謔豈謂是耶

嚴氏溪放歌

前補相行

費心姑息高正見公卿之驕言公卿費心不過如
小人愛人以姑息肥肉大酒用以相要徒以此
一役了事而已盖有虛禮無真情能愛人以德

也俗態真是如此客途何以自給乎東行西還
何以力倦無行資也嚴二可與共歲寒者故云
松根長茯苓有意同黃檗相依也

述古三首

述古以傷今之不然也其一傷有臣而無君君
能用賢然後賢為之用不然則累足而退矣故
借驥馮以發之

其二言圖治在於擇相賢則尚德而天下治
相不賢則任刑而天下亂本末之辨也市人逐
末農人務本故借二端以發之

其三言圖中興者以德澤收人心而佐以武功如漢高恃有蕭曹蕭則養民以致賢而曹任戰至後爲相亦遵何約束至光武中興有寇鄧以當蕭何而耿賈以戰功羽翼之猶曹參也若徒尚干戈未有能濟者唐有郭李可當耿賈而運籌帷幄無其人何以成中興之業哉

秋盡

註謂是年秋公自梓歸成都迎家冬再往梓州然據詩似作於未迎妻子之前其迎妻子不見於詩不知果在何時且九日有寄嚴大夫詩去

秋盡無幾矣。何得復有迎妻子之日耶。東行
未迴。謂到梓未還成都。而且字極有含蓄。蓋公
無日不思還京。故云秋已盡矣。東行且未得迴。
何況故鄉。即如茅簷寄在少城。離邊之菊亦已
老矣。身猶在梓。巴江之上。徒訪袁紹之杯而已。
獨雪嶺落日。看猶成都。而劍門未通。成都未得
歸也。萬里作客。誠不敢辭。但不知懷抱何時得
開耳。欲開懷抱。又歸故鄉。而後可用。脩云。鄭
玄傳。袁紹大會賓客。邀玄。後到。延升上坐。飲酒
一斛。公以玄自比為儒。而逢世難也。註引河朔

飲誤然徒字。湏看飲食之者有矣。未有救其急難者也。有補又補野望

冬到金華山觀因得故拾遺陳公學堂遺

迹

金華山在射洪志云上拂雲漢下瞰涪江有玉京觀在山上故有蔚藍瓊臺之句日死鴻哀先已映帶陳公之死而玉女跪仙人來因有觀而亦影陳公之靈氣猶存也然後及陳公讀書堂亦樹揮法

陳拾遺故宅有補

曾止一時。臺不千年。獨感遇之遺編尚存。此立
言而垂不朽者也。稱文章而歸之忠義。才是真
本領。亦公自道。位下曷足傷二語。亦自道。

謁文公上方

上方寺名詩云。俯視萬家邑。烟塵對階除。便得
寺之所繇名矣。十年不下山。而布金自至。知此
僧不凡。公之重此僧有以也。王侯與議同盡
不過龔莊列語。願聞第一義。亦禪門膏談。東坡
以此四句卜其得道。此窺公之淺者。余讀公詩
見道語不一而足。而公亦不自知也。非以學佛

得之平生饑餓窮愁無所不有天若有意煅鍊之而動心忍性天機自露如鐵以百鍊而成鋼所存者鐵之筋也千年不磨矣西銘云富貴福澤以厚生生無不死貧賤憂戚以玉成成者不壞君子不以此易彼也

有補

奉贈射洪李四丈

所向色枯槁謂所向之人俱無好顏色也身無所托猶無根之木不能自治雖有茅齋亦付之秋草而已

有補

早發射洪縣南途中作